

書名 群書考索續集  
五十六卷 正  
德十三年建陽  
劉氏慎獨書齋  
刊本

撰者 宋 章如愚 撰  
卷 卷四十三  
內容分類 子 類書 彙考 宋  
索書號 子部 類書 17  
編號 C5930500

# 卷四十三

彩色首頁1

東洋文化研究所漢籍目錄 編號: C5930500

東洋文化研究所漢籍目錄所藏漢籍善本文影像資料庫 索書號: 子部 類書 17

漢籍善本文影像資料庫文本 群書考索續集五十六卷 正德十三年建陽劉氏慎獨書齋刊本

版權所有: 東京大學 東洋文化研究所  
使用上的注意事項

數象圖河

河圖洛書  
圖者圖  
獨其像

經籍

群書考索卷之一

山堂先生章俊卿 編集  
建陽知縣區玉 刊行

續集

天一地二天三地四天  
五地六天七地八天九  
地十天數五地數五五  
位相得而各有合天數  
二十有五地數三十凡  
天地之數五十有五此  
所以成變化而行鬼神  
也



存亡之異者何哉亦顧其所以為民者如何爾嘗因是而觀天地陰陽之運而知中國四夷盛衰之故帝王盛時夷狄維處乎中國有封建以維繫之有教禮以染浹之如陰陽二氣之適中非溫然春和則湛然秋清也自秦以來封建壞而教化不行夷狄之與中國遂有內外之限中國盛則猶陽居大夏而為極暑漢武帝唐太宗是也夷狄盛則猶陰居大冬而為極寒符秦元魏是也是故漢唐盛時皆有無夷狄之心不知降羗已在金城煎當已在三輔胡雛已在關庭何異一陰萌於盛夏乎符秦元魏之盛也皆有無中國之心不知六朝正統未嘗一日不存而唐隴西公名虎唐已在西魏六柱國之列何異一陽生於隆冬乎然則秦隋固可鑒而漢唐亦未可法也惟宋太祖之有天下也有慮夷狄之志而未嘗有無夷狄之心至於女真始也脩貢於建隆而終也犯蹕於靖康此又天地陰陽之一變也要知彼之據中原也必不如元魏之久而此之復版圖也必不如六朝之遂不振也反變為常夷狄自夷狄中國自中國亦必有時焉爾

群書考索卷四十二畢

# 群書考索卷四十三

續集

山堂先生章俊卿編輯

建陽知縣區玉刊行

○兵制門  
縣丞管韶校正

漢唐兵

漢唐兵皆三變

漢初用都尉兵征伐後用京師兵又其後用州牧之兵唐府兵曠騎藩鎮

唐兵

唐兵志

唐兵之大勢三變其始盛時有府兵府兵後廢而為彍騎彍騎又廢而為方鎮之兵盛矣及其末也強臣捍將兵布天下而天子亦自置兵於京師曰禁軍



府兵

太宗正觀十年更號統軍為折衝都尉別將為果毅都尉諸府總曰折衝府凡天下十道置府六百三十四皆有名號而關中二百六十有一皆以隸諸衛凡府三等兵千二百人為上千人為中八百人為下府置折衝都尉一人高祖舊名統軍左右果毅都尉各一人舊名別將凡民年二十為兵六十而免能騎而射者為越騎其餘為步兵武騎凡當宿衛者皆上兵部以遠近給番自高宗武后時府兵之法浸壞宿衛不能給宰相張說乃請一切募士宿衛後更號曰弩騎分隸十二衛總十二萬為六番自天寶以後弩騎之法又稍廢八載折衝諸府至無兵可交及祿山反能不能受甲矣。初府兵之置居無事耕於野其番上者宿衛京師而已四方有事則命將送出事解乃罷兵散於府將歸於朝故士不失業而將帥尤握兵之重

方鎮

方鎮者節度使之兵也原其始起於邊帥之屯防者唐初兵之戍邊者

大曰軍小曰守捉曰城曰鎮而總之者曰道自武德天寶以前邊防之至其軍城鎮守捉皆有使而道有大將一人曰大總管已而更曰大都督太宗時行軍征討曰大總管在其本道曰大都督自高宗永徽以後都督帶使持節者始謂之節度使然猶未以名官景雲二年以賀拔延嗣為涼州都督河西節度使自此而後接乎開元朔方隴右河東河西諸鎮皆置節度使及范陽節度使祿山反陷兩京肅宗起靈武而諸鎮之兵共起誅賊其後慶緒思明繼起中國大亂肅宗命李光弼等討之號九節度之師久之大盜既滅而武夫戰卒以功起行陣列為侯王者皆除節度使由是方鎮相望於內地大者連州十餘小者猶兼三四故兵驕則逐師帥強則叛上或父死子握其兵而不肯代或取舍由於士卒往往自擇將吏號為留後以邀命于朝天子顧力不能制則忍耻撫之謂之姑息之政始時為朝廷患者號河朔三鎮及其末也朱全忠以梁兵李克用以晉兵更犯京師而李茂貞韓建近據岐華妄一喜怒兵已至於國門及昭宗奔岐梁兵圍之天下無復勤王者向之所謂三鎮



徒能胎禍而已其他大鎮南則吳浙荆湖閩廣西則岐蜀北則燕晉而梁益據其中自國門以外皆分裂為方鎮矣

### 禁兵

禁軍者南北衙兵也南衙諸衛兵是也北衙禁軍也初高祖以義兵起太原已定天下悉罷遣歸其願留宿衛者三萬人高祖以白渠旁腴田分給之號元從禁軍從老不任事以其子弟代謂之父子軍及正觀初太宗擇善射者百人為二番於北門長上曰百騎以從田獵又置北衙七營選材騎壯月以一營番上十二年始置屯營於玄武門領以諸衛將軍號飛騎高宗始取府兵越騎步射置左右羽林軍武后改百騎曰千騎睿宗改千騎曰萬騎分左右營玄宗以萬騎平韋氏改為左左龍武軍代宗以射生軍入禁中清內亂皆賜名寶應軍後吐蕃入寇魚朝恩以神策軍屯苑中為天子禁軍非他軍也

邊兵弱則夷狄為患○畿兵弱則邊兵為患○推唐數源只緣開邊

太廣則都督兵不得不多都督兵多則畿一弱不應不為患矣

唐初以軍鎮城守拔兵置都督於邊以制夷狄也以府兵番止於京師置十二衛所以制外兵也至於府兵壞而為射騎射騎以壞內兵既弱則邊兵為患祿山反以邊兵制變則吐蕃回紇乘間而入惟宋太祖邊兵少而專征最為得策

### 府兵乃兵農之分

前輩論府兵皆以為兵農之合乃是兵農之分儒者但說先王寓兵於農先王何曾寓兵於農分田使之耕築室使之居既有以衣食之則不可無以自衛非是明以求勝自符堅伐晉民皆盡發蘇綽周欲休息其民遂令各募一頭人為兵蠲除科繇不復他役國家既可長享為兵之利而民得家出一人之外亦且可以自安後來法變漸立至太宗府衛既成農遂不復為兵兵亦不復為農兵農之分所以終不復合人但見其寓兵於農遂以為先王之意非也



周制三十服戎六十弛政歲率不過用民三日蓋設一人之齒給公事  
纔三月耳田家一夫征戌卒歲則四夫可以安坐老佚是謂義卒惟社  
田與追胥竭作外此無擾也今府兵丁悉隸役而他役不免亦不足念  
乎政典教兵之法案其表率相距五十步二表之間二百五十步爾若  
以步法立人殆不足以爲六軍然則不盡會耶教之而不盡會何也六  
軍固近關也千里之畿僅爲軍者六六軍之旅僅入關者一教事若此  
其簡也今關中兵歲聚而教之母乃暇日自弊乎陳君

府兵府數異同

按陸贄傳太宗列府八百而關中五百唐兵志凡天下大道置府六百  
三十四而關中二百六十一又按杜牧原十六衛云凡府五百七十四  
有四十萬人三者之說不同今以唐地志每州之府數計之僅杜牧同  
其說當可據也凡府有三上府千二百人中府千人下府八百人但以  
中爲率亦不止四十萬人則是下府爲多也陸云關中五百乃其中道

總數之大凡似太相遠豈併所謂軍鎮守捉而統以府計耶抑於後  
德宗以居重馭輕之意不區區於數之合耶

府兵廢而後有養兵之費

唐盛時天下戶口八百餘萬而府兵四十萬皆自食其力不賦於民  
凡民租調以奉公上者二十分之十九其一爲兵是以國富兵裕亦不  
失其兵強也田制既壞府兵已廢而唐常有養兵之困孫樵云率中戶  
五供給一兵宿兵百萬必五百萬戶然後能當之使唐常有五百萬戶  
盡以給兵其他用度又將安取況其戶數有不及者耶王彥威言長慶  
戶三百五十萬而兵乃九十九萬率三戶資一兵是其爲不足也已居  
五之二況又有他經費則民與國安得不俱貧耶所以和糴鹽鐵等錢  
括苗權利借商進奉獻納弊所不至稍知體國者於是有減兵之說也  
田之說率不見其裕而徒有傷今思古之嘆夫兵之法行縣官歲受八  
百萬之賦入皆不爲兵費及府兵之法壞盡天下之戶調猶不足以給  
兵安得不深思太宗之初制哉



府兵役繁地遠所以難守

府兵之法惟太宗能行之其所以處府兵之條目蓋已繁矣既耕又戰又番上又以隸他役而其置府又或絕遠關內有府二百七十四蓋已遠及朔方邊陲之地況其餘四百隸於他道者其隔遠如此既繁且遠所以難守也

唐太宗老猶好兵

太宗弱冠起義兵咄嗟間定四海命一偏將畧示計謀則擒頡利虜高昌破吐谷渾降薛延陀莫不郡縣其地衣冠其人徂於常勝之味一日不跨鞍馬則伎痒激烈思復逞其威神嘆夫太宗愧於三王者道不足以制氣耳

唐兵三變始末

唐初十六衛左右衛上將軍總之驍衛武衛威衛領軍衛金吾衛監門衛千牛衛並分為左右上將軍並參掌南此

衛兵高宗始制左右羽林軍元宗敗曰左右龍武軍肅宗置左右神武軍總曰北衙六軍即百騎千騎萬騎即弓騎神策也諸史皆不忘兵惟歐陽公作新唐史乃志史以唐兵有井田遺意也惜乎不保其往耳嘗觀太宗起晉陽之甲未免於智數開天府推刃同氣

死於詐力天下既定因周齊之制置十六衛將軍內統北門百騎

七營也騎謂之北衙禁軍外統關內天下諸府番上宿衛者謂之南衙

衛兵是也北衙禁軍是也 是則北衙即漢之北軍而南衙即漢之南軍也

新舊二史志皆大畧同安得有井田鄉遂之遺意哉蓋後周府兵之制講閱戰

陳皆於農隙身租庸調一切蠲除北齊租調之制十八受田二十充兵

六十免力役是則周齊之兵皆受田矣唐公周齊有口分世業田三衛

隊正副各八十畝見通典諸府坊園有主掌督課農桑是則唐兵亦受

田矣兵農一致所以得井田之遺意歟井田之制漸壞於春秋戰國井

壤為井井兼自晉惠受田始公入晉許卻乞汝陽田有萬不

卿負蔡田七十萬趙簡子誓師亦曰克敵者任田十萬 故鄉遂變而

為技擊銳士者勢也口分世業既開貿易之門凡變民貧者得賣求業

鄉者得賣口分已賣者不復復死而府兵變為弓騎者亦勢也况此衙

禁軍自睿宗乎章氏之亂左右屯營欲避征戍者皆納資以隸軍而府

兵之家不免雜徭千里番上宿衛名為侍官周府兵時已自安得不逃

匿而耗散乎此府兵所以變為弓騎也然則弓騎變為藩鎮者何如哉



太宗務廣地諸邊都護諸道經畧大將大總管大都督即藩鎮之漸也  
自開元而上北衙禁軍諸府衛兵尚可枝梧太平日久至天寶末府兵  
既壞而弓騎之為禁軍者又復單弱元宗幸蜀從者千人肅宗幸靈武  
士不滿百自是以來調補禁衛又皆以宦者主之李輔此所以禁衛弱  
於上而藩鎮強於下也然則開貿易而馴致府兵之壞務廣地而遂成  
藩鎮之弊是則太宗之過至於玩太平而不能振起前人之制疑大臣  
而以宦者激成藩方之惜者元宗肅宗不能逃責矣太宗時有事命將  
子府將歸于朝故藩方無極其之變自元宗以安祿山為范陽節度也  
足以基天寶之變古今大亂未有不生於大治之時者玩故也陽極陰  
生亦數也准天

唐南北衙

李輔光漢南  
北軍相制

唐舊制南北衙文武區別以相伺察猶漢之南北軍也李輔國以宦者  
總北衙六軍又欲以北衙羽林騎士徵巡京師因得以併衙衙金吾之  
權也李揆托漢制以為言雖暫抑而不行及其終也啖點文臣之賍露  
井露之禍皆宦者為之也嗚呼肅宗疑李郭輩而使李輔國典北衙

安德宗疑李晟輩而使竇文場盡領神策軍卒之李郭伯晟不亂法而  
亂法者輔國文場也自是宦者亂于上藩鎮亂于下而唐遂以亡何異  
支撐大厦不用巨材而用朽木欲無顛覆其可得乎是惑也非疑也

唐志與陸贄論府兵多寡不同

德宗  
初年

唐志謂十道置府六百三十四而關內二百六十一陸贄謂諸府八百  
餘所而關中殆五百焉唐志所言乃正觀十年之制也十二年内置左  
右七營飛騎又選北門百騎十三年天下州府增至三百五十八十四  
年以高昌為州縣唐地延袤萬里二十一年分敕勒諸部置六府七州  
二十三年奚契丹內屬置十四州意者天下内外所增之府皆以隸關  
中故關中獨居五百陸贄但約其末年大數而言之也

李泌議復府兵

德宗  
末年

觀泌之言止謂高宗時府兵久戍不還武后時府兵為人所賤元宗時  
邊將利府所入而有役死者此府兵所以壞也泌乃欲於緣邊編募戍  
卒俾耕荒田然後旋理以府兵之法雖畧行之竟不復就蓋泌之法乃



屯田法耳府兵之法自上而下可也屯田之法由外而內則不可矣況德宗末年宦者典兵於內方鎮交兵於外其何以行之哉

唐五代養兵始末

唐兵歷叙唐初授人以口分世業而取之以租庸調故其蓄兵以府衛兵雖多而無所損設官有常貲不濫而易以祿及開元天寶世業租調府兵三者俱廢兵冗官濫而兩稅之外有鹽鐵轉運屯田和糴鑄錢括苗權利借商稅間架進奉獻助無所不至乃知官兵民有常職故費約而兼足足則交相養口分世業為之本也官兵民無常職故食冗而俱貧貧則交相賤由口分世業之不存也然世業府兵之制雖壞而猶有軍府屯田管田以紓要衝天下屯總一百九十二處一以助兵食元宗開元末天下屯田入穀幾二百萬斛憲宗元和中韓重華屯田于振武歲收粟二十萬石穆宗太和末畢誠營田邠寧歲收三十萬斛皆變支錢以數百萬計至于五代易置天子皆以兵於是聞有屯田者惟見石晉括民穀周氏鬻營田而隸管田之民于州縣遣使均天下之田稅而已然則兵民

之分歸於府兵之壞而極於屯田之俱廢天下安得不以養兵為國計此五季有犯啜茗食鹽之禁者悉有常刑皆為養兵故也

石晉失關南一縣

契丹主南來既度鴈門之險自知其必勝者以中國有險固而不知有守也言猶在耳而復以關南十縣予之何晉氏之昏庸哉自時厥後更漢周而逮于宋幾得而復失者幾矣天以險固界夷而不界夏抑非偶然者耶何夷狄恃此卒為中國患也

周世宗發言克已

湯武以仁義之師除天下之同害方至大坰已有勲德旋旌牧野首即散牛誠以兵凶器不可恃以毒民也周世宗食珍膳自言有愧於民惟當親冒矢石為之除害愚恐其害未除而民已困矣惟其有是言故高平奏捷秦鳳迎降奄有江北之地將復關南之疆不值彌留未有已特也茲其所以轉周而為宋歟



群書考索卷四十三

續集

群書考索卷四十四

續集

山堂先生章後卿編輯

建陽縣縣區王刊行

縣丞管韶校正

○其制門

宋朝兵

太祖善於制兵

宋朝兵制凡禁兵之親近者號諸班直隸於軍頭皇城內守外備征成其出戍邊或諸州更戍者曰屯駐非戍諸州而隸總管者曰駐泊非屯駐駐泊以糴賤而留之者曰就糧諸司募者曰役兵諸州募者曰廂兵什五其民教之武事謂之民兵蕃夷內附糾而用之謂之藩漢兵此制兵之大畧也而制兵深意有可得而言者太祖聽中令之說收節度之權於杯酒間州郡精兵悉歸京師雖曰京師千萬諸郡十萬外足以相制而外兵之弱終不若京師之強也嗚呼其慮遠矣不特此也前日之